

دونیانین لاب اوجا بورجو خزر ساحیللرینده

خزر ساحیللرینده دوزلمکده اولان دونیانین لاب اوجا بورجو بارهده تازا خبرلر یاییلیدی.

خبرگوزاریلرین گوزاریشینده گۆره، آذربایجان جومهوریسی ساحیللرینده، 1050 متر اوجالیغی اولان بو بورجون دوزلمه‌سی ایکی میلیارد دولار خرجی اولاجاق.

دونیانین لاب اوجا بورجونون 189 طبقه‌سی اولاجاق و بۆیوک بیر مجموعه‌نین بیر قیسمتی اولاجاق کی آذربایجانین خزر ساحیللرینده دوزه‌لیر.

اۆلّیه طرح فقط 560 متر اوجالیغیندا بیر بورج اولوردو اما سونراکی آراشدیرمالاردا بو بورجون اوجالیغی 1050 متره چاتدی تا 200 متر دوییین خلیفه بورجوندان و 50 متر عربستاندا پادشاهلیق آدینا طراحلیق اولان بورجدان اوجا اولسون.

1050 مترلیق بورج قراردی آذربایجانین خزر ساحیللرینده مصنوعی جزیره‌نین بیر بؤلومونده دوزلسین. بو بورجون مصنوعی جزیره‌لرده دوزلمه‌سی‌نین خرجی 100 میلیارد دولار اولاجاق. بو مجموعه باکی‌نین جنوب غربینده دوزه‌له‌جاق.

اویستا شیرکتلر مجموعه‌سی بو بورجون پئیمانکاری عونوانیندا دئییب کی بورجون دوزلمه‌سی 2016-جی ایلده باشلاییب 2019-جو ایلینده قورتولاجاق.

بو مجموعه‌نین ایکی مین هیکتار مساحتینده اولان 41 جزیره‌سی اولاجاق کی بیر میلیون نفره خدمت وئره بیله‌جاق.

بو مصنوعی جزیره‌لرده آیری بورجلار دوزه‌له‌جاق کی 25 دن 60 طبقه‌یه‌جن اولاجاقلار.

مصنوعی جزیره‌لرده 150 مدرسه، 60 بیمارستان، آلیش وئریش مرکزی و دانیشگاه و فورمول بیر ماشین موسابقه‌لر پیستی اولاجاق تا کامیل ایمکاناتلی بیر شهر اولسون.